

№ 2/1666

PX 4387/1



გამოდერნილი ღუმურები



ISBN 978-9941-0-5716-8





საქართველოს
სოციალიზმის

ჭუკუბი

გაღმა ხედავ? - ჭუკუბია,
ქათმებს ეჭუკჭუკუბიან:

- ნუ გაგვამხელთ უფროსებთან,
არ მოსწვდებათ აქ ყურიო,
გვსურს კაკანი შევისწავლოთ,
სულ არ მოგვწონს ყურყურიო.



როდის მოვა თოვლის პაპა

მაშინ, როცა დეკემბერი ნავა,
გზას დაუთმობს იანვარს და თოვას,
პატარებო, ახალი წლის ღამეს,
თოვლის პაპა საჩუქრებით მოვა.

ყველაფერი დაუჯერეთ მშობლებს,
სწავლით გული გაუხარეთ, თორემ,
თოვლის პაპა ურჩ და ზარმაც ბავშვებს,
დამიჯერეთ, უსაჩუქროდ ტოვებს.



ყმაღური ფისო

- ფისუნია, ფისოვ,
ნუ მიბურდავ ძაფებს,
ზამთრისათვის გიქსოვ
წინდებსა და კაბებს.

- ნუ ირჯები უქმად,
შენთვის არვის უთქვამს? -

წინდებსა და კაბებს
არასოდეს ვიცვამ,
სიცვიისგან ჩემი
თბილი ქურქი მიცავს.



შემოდგომა

რა ჯობია შემოდგომას,
სანნახელზე შემოდგომას?!

ჩურჩხელებით სავსე ძელებს,
ციცქნა გულებს რომ გვიძგერებს.

ჩირებს, კობტად ამძივებულს,
თოკს, ჩამიჩით დამძიმებულს.

სავსე ბელლებს და ნალიებს,
ქვევრებს, ლვინო რომ დალიეს.

ზვინებს, ცამდე აკიდებულს,
აკიდოებს - დაკიდებულს.

ფოთლებს, ჭრელად მოფარფატეს,
არემარე რომ დახატეს.

რა ჯობია ხვათიან და
ბარაქიან შემოდგომას?!

რთველში “მრავალჟამიერს” და
სანნახელზე შემოდგომას?!



კოკლოზინა

ალარ მინდა ამდენი
სტაფილო და ჭარხალი,
გავიზრდები ისედაც
ლონიერი, მალალი.

ჩემი ძალღი გინახავთ? -
ძლიერია, ჭკვიანი.
აბა, ჰკითხეთ თუ უყვარს
ბოსტნეულის წვნიანი?

წუნკი თაგვი რომ გვიმზერს
ცალი თვალით სოროდან,
აბა, ჰკითხეთ, ყოფილა
ერთხელ სტომატოლოგთან?

მე კი მეუბნებიან,
გაიფუჭებ კბილსაო,
თუ ყოველდღე დაკვნიტავ
კანფეტებს და თხილსაო.

ის მაჭამეთ, რაც მიყვარს,
რაც არასდროს მწყინდება,
რა ჯობია, ყელი რომ
ჩამიკოკლოზინდება.



06.10.50.30
202.11.10.30

ოზონა

ობობა ვარ,
რვაფეხა და რვათვალა,
თუ არ გჯერათ,
დამაკვირდით, დათვალეთ!

კარგად ვხედავ,
ჩემს რვავე თვალს - სიკეთე,
სათვალესაც
არასოდეს ვიკეთებ.

მქსოველი ვარ,
არ მჭირდება ჩხირები,
ფეხებშიაც
არვის არ ვეჩხირები.

არ გეგონოთ
ვტრაბახობდე, მარდი ვარ,
ცოცვაც ვიცი,
სიმაღლეზეც ავდივარ.

სათამაშოდ
არასოდეს მცალია,
აბლაბუდის
ქსოვა მიყვარს ძალიან.



სტომატოლოგს შესჩივლა
პანანინა ნიამ:
- ჩემი თეთრი კბილები
შემიჭამა ჭიამ.

შემძვრალიყო ატამში,
ან დაშაქრულ ბალში,
თუნდაც სულ გადაეხრა
ჩემი ეზოს ვაშლი, -

არ გავუბრაზდებოდი,
გეფიცებით დედას,
ჭიასაც ხომ სჭირდება
სათანადო კვება?

მაგრამ ჩემი კბილები
რა ნამუსით დახრა?
აი, როგორ ვანანებ,
თქვენ თვითონაც ნახავთ!

მხრებს იჩეჩავს ექიმი:
- რა მატლი და ჭია?
შენ რაც ჭია გგონია,
კარიესი ჰქვია!



ხარბები

ჩხუბობს ორი წინილა,
თითისტოლა, პანია,
ჭია ველარ გაიყვეს,
არის განამანია.

ეს რომ ნახა მამალმა,
წყენა ველარ დამალა, -

ისე ჩაუნისკარტა
პანანინა წინილებს,
მოიბუზა ორივე,
საცოდავად წივნივებს.

გაიფხორა კრუხი და
შვილებს გამოესარჩლა,
ფრთები გადააფარა,
მამალმა კი ესა თქვა:

- მოფერებას აჯობებს,
ჭკუა რომ დაარიგო,
ერთი ჭია, ხარბებმა,
ძმურად როგორ გაიყონ!



ხაჭაპური

აი ცომი,
ყველის გუნდა.
ხაჭაპური
ყველას უნდა!

გარჯა ვის არ
ეზარება?
გააბრტყელოს
ცომი ხელად!

- შიგ რას ჩავდებთ?
- ბლომად ყველსა!
ცომს გადავკეც-
გადმოვკეცავთ!

- მერე?
- ლუმელს
გავახურებთ,
გამოვაცხობთ
ხაჭაპურებს!



გიგუს და დათას წერილი წას

პატივცემულო ცაო,
მოგმართავთ დიდი თხოვნით:
გამოგვიგზავნეთ ბავშვებს
მონატრებული თოვლი!

ნუ მოიმარჯვებთ საცერს,
დაუშვით ფთილა-ფთილა,
სამი დღე-ღამე ბარდნოს,
ოლონდ, იყავით ფრთხილად, -

არ შეერიოს წვიმა,
ცაო, თოვლ-ჭყაპით, აბა,
რას ვიგუნდავებთ, ან რა
თოვლის ბაბუებს დავდგამთ?!

წერილს ხელს ვაწერთ ქვემოთ
ძმები, - გიგუ და დათა,
რომ შეგანუხეთ თხოვნით,
დედიკოსთან ნუ გაგვთქვამთ!



ყოჩი

ყოჩივარდა
გაყოყოჩდა,
ყოჩი ვარ და
ამიტომო,
გაზაფხულის
ყვავილებმა
თავი აღარ
გამიტოლონ.

იამ გულში
გაიფიქრა,
შენი ტოლი
როდი ვარო,
გაზაფხულის
მახარობლად
სულ პირველი
მოვდივარო.



მარტორქა

გაგონილა, მარტორქავ,
ჭამა მუდამ მარტოკა?!

სხვებსაც გაუნანილე!
ვერა ხედავ? მელია
გაძვალტყავებულია,
სარჩო შემოლევია.

დამიჯერე, მარტორქავ,
არ იქნება ურიგო,
შენი საჭმელ-სასმელი
სხვებსაც რომ დაურიგო.

არ მოიშლი ძუნობას? -
დაგცინებენ ბავშვები.
სუქი-სუქი, მსუქანავ,
უმეგობროდ დარჩები!

ნათია ჯანაშია გამოდერნილი ლექსები

ნანა მელქაძე – ილუსტრაციები
სანდრო ფარახველიძე – ფოტოგადაღება
სოფო ჭარყაშვილი – კომპიუტერული უზრუნველყოფა

© ნათია ჯანაშია – „გამოდერნილი ლექსები“

დაიბეჭდა შპს „ფაქორიტი პრინტი“

თბილისი, 2013

ყოჩი

კოკლოზინა

ხაჭაპური

კარიესი

ხარბები

მარტორქა

ჭუკები

ოზობა

უმაღური ფისო

შემოდგომა

გიგუს და ფათას წერილი წას

როდის მოვა თოვლის ჰაპა